

笑盧隨筆

兆荅

談詩鐘(十二)

臺鐵詩社於四十九年六月五日在臺北鄭州路二十六巷七號舉行庚子詩人節雅集，所出詩鐘眼字爲「爭」，茲將是日各詞宗取出較多之句，分別摘錄於後，以供同好閱覽：

爭·射 第一唱

- ① 爭席鷗猶疑野老，射屏雀若任冰人。
- ② 爭路樵歸雲不讓，射潮人散月猶籠。
- ③ 爭前帆影風初緊，射遠燈光月未明。
- ④ 爭榮總爲虛名累，射覆休教隱語迷。
- ⑤ 爭名仍乏才華國，射利終輸德潤身。
- ⑥ 射圍狡兔窮三窟，爭蔭寒蟬寄一枝。
- ⑦ 射鯨東海餘豪氣，爭鹿中原裕霸圖。
- ⑧ 爭先一着棋鋒轉，射覆三宣酒令嚴。
- ⑨ 爭鋒各具披堅手，射覆常存搗蘊心。
- ⑩ 爭席無心疑盡釋，射鉤不罪霸終成。
- ⑪ 爭桑病繭知何補，射柳嬌鶯忍並傷。
- ⑫ 射天竟有荒唐主，爭地終非捷伐師。
- ⑬ 爭鋒吳楚誰稱霸，射戟袁劉遂解兵。
- ⑭ 射策殿庭才倚馬，爭衡壇坫氣吞牛。
- ⑮ 射遠才高穿百步，爭光法重約三章。

- ①⑥ 爭墩奚取前朝事，射石偏傳後世名。
- ①⑦ 射著殺機防暗處，爭傷交誼慎平時。
- ①⑧ 射來細雨萍浮點，爭出疏籬笋露尖。
- ①⑨ 射不挽強難克弱，爭雖取勝總傷和。
- ②⑩ 射窗日暖新晴後，爭渡人喧晚照邊。
- ②⑪ 爭名蝸角癡堪笑，射利蠅頭死不休。
- ②⑫ 爭端不泯終成敵，射技能工亦足豪。
- ②⑬ 射遠不辭吾力弱，爭長徒見此心勞。
- ②⑭ 爭春茂草千山碧，射日嘉禾萬畝蘇。
- ②⑮ 射堅枉恃穿楊技，爭霸如收破竹功。
- ②⑯ 爭席應憐王道替，射鉤轉使霸圖成。
- ②⑰ 射藝久微弓矢廢，爭端忽起鼓聲喧。
- ②⑱ 爭名意敗還山後，射策文雄伏闕時。
- ②⑲ 爭桑郊外三春日，射柳營前五月天。
- ②⑳ 爭棋一着收殘局，射戟孤支解險圍。
- ③⑰ 爭車考叔哀罹禍，射戟溫侯喜解圍。
- ③⑱ 爭渡莫驚鷗鷺夢，射生欲寢虎狼皮。
- ③⑳ 爭端每自機心啓，射影難於詭計防。
- ④⑰ 射影須嚴防鬼蜮，爭名有愧讀詩書。

六十生日口占

劉鼎新

其一
 十年一座里程碑
 蜀道康莊渾不計
 功過人間餘口碑
 且將桃李三千樹
 其二
 今日逢君第六回
 鞠躬盡瘁趁餘暉
 詔華逝水去難回
 栽遍中原映日暉